

Na osnovu člana 17. st. 1. i 4. Zakona o veterinarstvu u Bosni i Hercegovini ("Službeni glasnik BiH", broj 34/02) i člana 61. stav 2. Zakona o upravi ("Službeni glasnik BiH", br. 32/02 i 102/09), Ministarstvo vanjske trgovine i ekonomskih odnosa, na prijedlog Ureda za veterinarstvo Bosne i Hercegovine, donosi

PRAVILNIK

O ALTERNATIVNOJ IDENTIFIKACIJSKOJ OZNACI ZA ODREĐENE SIROVINE I PROIZVODE ŽIVOTINJSKOG PORIJEKLA

Član 1.
(Predmet)

Pravilnikom o alternativnoj identifikacijskoj oznaci za određene sirovine i proizvode životinjskog porijekla (u daljnjem tekstu: Pravilnik) propisuju se pravila za korištenje alternativne identifikacijske oznake za određene sirovine i proizvode životinjskog porijekla (u daljnjem tekstu: alternativna identifikacijska oznaka), upotreba i označavanje, te izgled i sadržaj alternativne identifikacijske oznake.

Član 2.

(Upotreba alternativne identifikacijske oznake)

- (1) U svrhu provedbe člana 3. ovog Pravilnika, Federalno ministarstvo poljoprivrede, vodoprivrede i šumarstva, Ministarstvo poljoprivrede, šumarstva i vodoprivrede Republike Srpske, Vlada Brčko Distrikta-Odjel za poljoprivredu (u daljnjem tekstu: nadležni veterinarski organi entiteta i Brčko Distrikta BiH) mogu odlučiti o upotrebi alternativne identifikacijske oznake iz Priloga ovog Pravilnika, umjesto primjene posebne identifikacijske oznake, propisane posebnim propisima o uslovima zdravlja životinja koji se primjenjuju na proizvodnju, preradu, stavljanje u promet i unošenje hrane životinjskog porijekla.

- (2) Nadležni veterinarski organi entiteta i Brčko Distrikta BiH o upotrebi alternativne identifikacijske oznake iz stava (1) ovog člana obavještavaju Ured za veterinarstvo Bosne i Hercegovine.

Član 3.

(Označavanje mesa peradi i uzgojene pernate divljači za stavljanje na tržište Bosne i Hercegovine)

Meso peradi ili uzgojene pernate divljači, uključujući mljeveno meso, mašinski otkošteno meso i mesne pripravke i/ili proizvode od mesa koje ne ispunjava uslove iz posebnog propisa o uslovima zdravlja životinja, a koji se primjenjuju na proizvodnju, preradu, stavljanje u promet i unošenje sirovina i proizvoda životinjskog porijekla, može se staviti na tržište Bosne i Hercegovine u skladu s članom 23. stav (1) tačka g) Pravilnika o mjerama za suzbijanje i kontrolu influence ptica ("Službeni glasnik BiH", broj 35/10) ili članom 9. stav (2) tačka f) alineja 1) i stav (4) tačka c) Pravilnika o mjerama kontrole njukastl bolesti ("Službeni glasnik BiH", broj 35/10), ukoliko je označeno alternativnom identifikacijskom oznakom propisanom ovim Pravilnikom.

Član 4.
(Prilog)

Izgled i sadržaj alternativne identifikacijske oznake opisan je u Prilogu ovog Pravilnika koji čini njegov sastavni dio.

Član 5.

(Stupanje na snagu)

Ovaj Pravilnik stupa na snagu osmog dana od dana objave u "Službenom glasniku BiH".

Broj 01-1-02-4517/10
23. decembra 2010. godine
Sarajevo

Ministar
Mladen Zirojević, s. r.

PRILOG

Alternativna identifikacijska oznaka iz člana 2. stav (1) ovog Pravilnika mora biti slijedećih dimenzija ili drugih odgovarajućih razmjera kako bi se osigurala čitljivost podataka:

Dimenzije:

$XY = 8 \text{ mm}$, gdje XY označava odgovarajući kod (šifru) zemlje u skladu s članom 3. tačka (z) Pravilnika o obilježavanju sirovina i proizvoda životinjskog porijekla i izradi, obliku i sadržaju veterinarskih oznaka

$1234 = 11 \text{ mm}$, gdje 1234 označava veterinarski kontrolni broj objekta u skladu s članom 10. stav (4) Pravilnika o obilježavanju sirovina i proizvoda životinjskog porijekla i izradi, obliku i sadržaju veterinarskih oznaka

Širina vanjskog prečnika = najmanje 30 mm.

Debljina obruba kvadrata = 3 mm.

